

## **Hubungan antara personaliti “big five” dan daya ketahanan mahasiswa semasa pandemik Covid-19**

### **ABSTRAK**

Pandemik Covid-19 yang melanda seluruh dunia pada tahun 2020 sehingga sekarang telah memberi kesan kepada semua aspek kehidupan manusia termasuklah daya ketahanan individu dalam menghadapi situasi ini. Golongan mahasiswa universiti tidak terkecuali menghadapi kesan pandemik ini. Daya ketahanan amat penting kepada mahasiswa untuk memastikan mereka dapat mengatasi segala rintangan yang disebabkan oleh pandemik ini dalam keadaan yang positif. Oleh itu kajian ini dijalankan untuk mengkaji hubungan antara personaliti Big Five (lima dimensi) dan daya ketahanan mahasiswa Universiti Malaysia Sabah semasa pandemik Covid-19. Sejumlah 306 orang mahasiswa telah terlibat dalam kajian ini. Kajian ini telah menggunakan dua soal selidik iaitu Big Five Inventory (BFI) dan Skala Daya Tahan (SDT). Hasil analisis menunjukkan hubungan korelasi yang signifikan bagi setiap dimensi personaliti dan daya ketahanan. Openness ( $r= .482$ ), Conscientiousness ( $r= .544$ ), Extraversion ( $r= .409$ ), Agreeableness ( $r=.321$ ), dan Neuroticism ( $r=-.302$ ). Hasil ini menjelaskan bahawa semakin tinggi skor dimensi personaliti Openness, Conscientiousness, Extraversion dan Agreeableness, semakin tinggi daya ketahanan individu tersebut. Sebaliknya, Semakin tinggi skor dimensi Neuroticism, semakin rendah daya ketahanan individu tersebut. Selain itu, hasil kajian juga mendapati bahawa mahasiswa lelaki dan perempuan UMS memiliki personaliti dan daya ketahanan yang berbeza secara signifikan. Hasil perbincangan telah mencadangkan bahawa terdapat pelbagai faktor yang menyumbang kepada persamaan dan perbezaan hasil dapatan kajian ini dan kajian lepas. Pada akhir kajian ini, pengkaji turut membincangkan beberapa limitasi kajian serta penambahbaikan bagi kajian ini.